

ერთის მხრივ, სსიპ „საქართველოს ეროვნული საინვესტიციო სააგენტო“ (შემდგომში – „შემსყიდველი“), წარმოდგენილი დირექტორის მოადგილის მაგდა ბოლოთაშვილის სახით და მეორეს მხრივ, შპს „აკა გრუპი“ (შემდგომში „მიმწოდებელი“), წარმოდგენილი დირექტორის აკაკი გეგენაშვილის სახით, ვმოქმედებთ რა „სახელმწიფო შესყიდვის შესახებ“ საქართველოს კანონის მე-10 მუხლის მე-3 პუნქტის „ვ“ ქვეპუნქტის საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი და შესყიდვის ობიექტი

- 2.1. ხელშეკრულების საგანია სსიპ „საქართველოს ეროვნული საინვესტიციო სააგენტო“-ს მიერ სამგზავრო სატრანსპორტო საშუალებების დაქირავება (მძღოლთან ერთად), კლასიფიკატორის კოდი: CPV 60170000.
- 2.2. შესყიდვის ობიექტია, კატარის სავაჭრო-სამრეწველო პალატის დელეგაციის წარმომადგენლების ვიზიტის ფარგლებში, მიმწოდებლის მიერ შემსყიდველის წამომადგენლებსა და მოწვეული სტუმრების მომსახურება მსუბუქი ავტომანქან(ებ)ითა (მძღოლთან ერთად) და მიკრო ავტობუს(ებ)ით (მძღოლთან ერთად) ხელშეკრულების დანართის შესაბამისად (შემდგომში - „მომსახურება“).

3. ხელშეკრულების ღირებულება

- 3.1. ხელშეკრულების ღირებულება, დღგ-ს გარეშე, შეადგენს 2870.00 (ორიათას ორას სამოცდაათი) ლარს.
- 3.2. ხელშეკრულებით გათვალისწინებული მომსახურების ერთეულის ღირებულება განისაზღვრება დანართის შესაბამისად.
- 3.3. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე, წინამდებარე ხელშეკრულების შესრულებასთან დაკავშირებით, მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.4. დაფინანსების წყარო: საქართველოს 2014 წლის სახელმწიფო ბიუჯეტიდან სსიპ „საქართველოს ეროვნული საინვესტიციო სააგენტო“-სთვის გამოყოფილი ასიგნება.

4. მომსახურების გაწევის ვადები და ადგილი

- 4.1. მიმწოდებლის მიერ მომსახურების გაწევა უნდა განხორციელდეს 2014 წლის 30 მარტიდან 2014 წლის 03 აპრილის ჩათვლით.
- 4.2. მომსახურების გაწევის ადგილია ქ. თბილისი.

5. მხარეთა ვალდებულებები

- 5.1. „მიმწოდებელი“ ვალდებულია:
 - 5.1.1. მომსახურების გაწევას ზედმიწევნით დაიცვას გასაწევი მომსახურებისათვის დადგენილი წესები და სტანდარტები;
 - 5.1.2. უზრუნველყოს შემსყიდველის წარმომადგენლებისა და მოწვეული სტუმრების გადაადგილება თბილისის მასშტაბით, შემსყიდველის მიერ მითითებულ ადგილას და მხარეთა შორის წინასწარ შეთანხმებულ კონკრეტულ დროს;
 - 5.1.3. უზრუნველყოს შემსყიდველის მიერ ჩატარებული ინსპექტირების შედეგად გამოვლენილი ნაკლის აღმოფხვრა გონივრულ ვადაში, საკუთარი ხარჯებით;
 - 5.1.4. უზრუნველყოს მომსახურების გაწევა ხელშეკრულებით დადგენილი პირობების შესაბამისად.
- 5.3. „შემსყიდველი“ ვალდებულია:
 - 5.3.1. დროულად განიხილოს „მიმწოდებლის“ მიერ წარმოდგენილი წინადადებები, რომლებიც

დაკავშირებულია ხელშეკრულების შესრულებასთან;

5.3.2. აუნაზღაუროს მიმწოდებელს გაწეული მომსახურების ღირებულება ხელშეკრულების პირობების შესაბამისად.

6. ინსპექტირების პირობები

6.1. შემსყიდველი ორგანიზაცია აწარმოებს გაწეული მომსახურების ინსპექტირებას ხელშეკრულების მოქმედების ნებისმიერ ეტაპზე.

6.2. შემსყიდველის მხრიდან ინსპექტირებას განახორციელებს სსიპ „საქართველოს ეროვნული საინვესტიციო სააგენტო“-ს ადმინისტრაციული მენეჯერი.

7. შესყიდვის ობიექტის მიღება-ჩაბარების წესი

მიღება-ჩაბარება განხორციელდება მომსახურების გაწევის შემდგომ, წინამდებარე ხელშეკრულებით განსაზღვრული პასუხისმგებელი პირ(ებ)ის მიერ შედგენილი ინსპექტირების დასკვნის საფუძველზე, მხარეთა შორის გაფორმებული მიღება-ჩაბარების აქტით.

8. ანგარიშსწორება

8.1. ანგარიშსწორება განხორციელდება შემდეგი პირობებით:

8.1.1. ანგარიშსწორების ვალუტა – ლარი;

8.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. ანგარიშსწორება განხორციელდება მხარეთა შორის გაფორმებული მიღება-ჩაბარების აქტის საფუძველზე, დოკუმენტების სრულყოფილად გაფორმებიდან 20 კალენდარული დღის განმავლობაში.

9. მხარეთა პასუხისმგებლობა ხელშეკრულების დარღვევისას

9.1. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლოა დაეკისროს პირგასამტეხლო, ყოველ ასეთ შემთხვევაზე ხელშეკრულების ღირებულების 1%-ის ოდენობით.

9.2. მიმწოდებლის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულებიდან გასვლის შემთხვევაში შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.

9.3. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ხელშეკრულებაში ცვლილება დაიშვება მხარეთა წერილობითი შეთანხმებით.

10.2. ხელშეკრულებაში დაფიქსირებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს სახელშეკრულებო ღირებულების 10%-ის ფარგლებში, სხვა რისკებს იღებს მიმწოდებელი.

11. ხელშეკრულების შეწყვეტა

ხელშეკრულება შეიძლება შეწყდეს წინამდებარე დოკუმენტით გათვალისწინებულ შემთხვევებში, მხარეთა ურთერთშეთანხმებით, საქართველოს მოქმედი კანონმდებლობით დადგენილ სხვა შემთხვევებში.

12. ხელშეკრულების მოქმედების ვადა

ხელშეკრულება ძალაში შედის წინამდებარე ხელშეკრულების ხელმოწერის დღიდან და მოქმედებს 2014 წლის 30 ივნისის ჩათვლით.

13. დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

13.2. შეთანხმების მიუღწევლობის შემთხვევაში მხარეები მიმართავენ საქართველოს კომუნიკაციების ეროვნულ კომისიას ან/და სასამართლოს საქართველოს მოქმედი კანონმდებლობის შესაბამისად.

14. ხელშეკრულების შესრულების შედეგებზე (ფორს-მაჟორი)

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას იმ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს იმით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოშკევი მიზეზების შესახებ. თუ შეტყობინების გაგზავნის მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანწინააღმდეგობისა და შესაძლებლობისა და მიხედვით აკისრებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების შეგავლენისაგან.

15. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიწოდებელს, ხოლო ორი – შემსყიდველს.

16. მხარეთა რეკვიზიტები:

„შემსყიდველი“

სსიპ „საქართველოს ეროვნული საინვესტიციო სააგენტო“
მის.: ქ. თბილისი, ვაჟა-ფშაველას ქ. №3, 5.
საბანკო რეკვიზიტები:
ეროვნული ბანკი, ბ.კ. 220101222
ა/ნ № 200122900
საიდენტიფიკაციო კოდი: 204 990 052

დირექტორი *მ. ბოლოთაშვილი*

მაგდა ბოლოთაშვილი



„მიწოდებელი“

შპს „აკა გრუპი“
მის.: ქ. თბილისი, თავისუფლების მოედანი #4
საკონტაქტო: 299 8988; 599 97 99 05
საბანკო რეკვიზიტები:
„საქართველოს ბანკი“ ბ.კ. BAGAGE22
ა/ნ № GE20BG 0000 0009 5633 8000
საიდენტიფიკაციო კოდი: 406028702

დირექტორი,

აკაკი გვეგენავა



Handwritten mark

			აეროპორტი		
	MERCEDESS S-CLASS-ის (2010 წლის მოდელი) ქირავნობა მძღოლათ	I ცალი	მომსახურება ქ. თბილისის მასშტაბით	500.00 ლარი	500.00 ლარი

სულ: 287000 ლარი

„შემსყიდველი“

სსიპ „საქართველოს ეროვნული საინვესტიციო
სააგენტო“
დირექტორის მოადგილე,

მაგდა ზოლოთაშვილი



„მიმწოდებელი“

შპს „აკა გრუპი“

დირექტორი,

აკაკი გუგუნიანი



[Handwritten signature]